

38694

Cant. Neg. A 7 (51)



51

Al distinto dilettante
SIG. FRANCESCO CAMMARANO

IL MARITO CONTENTO

Parole di Enrico Cofino

Musica del M.^o

PIETRO LABRIOLA

Proprietà degli editori
dep.^a alla Prefettura di Napoli

Album
di

Musica Buffa

N° 1	Lo Marito Contento I	2. 00
N° 2	Lo Marito disperato	2. 00
N° 3	Pa la nonna Ninno mio	1. 50
N° 4	Lo Masto de scola	1. 75
N° 5	Parodia No Masto scar paro allo Tistro de san Carlo	2. 00
N° 6	Lo Sorecillo	1. 75
Riunite.		8. 00

Allegretto.

L. 2.

Canto. Lo ma-tremmo-nio Ta-ta di-ce-va, e na-di-

Piano

sgra-zia non te nzo-ra. ed io neo-scien-zia me lo credeva

e stet-to pro-peto pe no llu ffa. ma mo pe di-ce-re

com - me la sen - to son - go nfra l'uommene lo echiù con -

- ten - to son - go nfra l'uommene lo echiù con - ten - to .

(Prosa) Pecchè ll'ommo primma de nzorarse se chiamma scujetato 2. pecchè è no pullitro che sburrea senza truvà maje requia. Quanno po se nzora s'accujeta e se mette nzistema. Primu, io steva sicco sicco, avevo perzo l'appetito, pareva nu jetteco... mo aggio ngrossata la panza, magno, e faccio la notte uno suonno... Mo si che pozzo dicere ch'aggio dato la corda allo rilorio, e spaccio lo minuto.

Pec - chè na fem - mena pe bbe - re - tà comm'a mo - glie - rema

no nce po sta. Con R

Essa ntricarese - Vo sempe sola
 Tanto de spennere - che d'acattà
 Si voglio dicere - Meza parola
 Se vota subbeto - Guè non parlà
 Che d'è ne ntridece - Mmieze a st'affare
 Purzì mo ll'uommene - S'anna mmiscare

(Prosa) Me vo no bbene de pazze... Essa fa essa
 sfà... io non conto pe niente... Marì dice sempe :
 magna, vive, fa ll'ommo... e no mpenzà a gguaje...
 ave raggione dinto alla casa contano lli ffe mmene,
 lo marito non ave da mettere piecche alla moglie
 ra, si no nceso guaje... Ll'ommo senza la femme
 na è comme ll'auciello fora de llo nido, e la fem-
 mena senza ll'ommo, è comme la cibberna dello
 surdato senza cartucce... ma muglierema e io, sim-
 mo doje noce a na schiocca, non serva che chiacchia
 rea, essa mme sape ntennere a sisco -

Pecchè na femmena - Pe bberetà
 Comme a muglierema - No nce po stà

3.

Io d'avè scisciole - No mme petreñno,
 Pure sto commeto - Pozzo campà
 Ma pe muglierema - Po no nce spenno
 Manco no tteccete - La verità
 Stà sempe ntridece - Ave ogne accunte
 Sulo la mmidia - La mette mpunto

(Prosa) Vurria farne cadè na mola, si na vota fosse
 bbuono pe fa passà nu gulio a muglierema... nu
 mm'addimanna maje niente... se quaglie, lazziet-
 te, gunnelle, essa se lo ssente, essa se lo bede. E lo
 vero che mmanea li cunte... ma chesta che bbo di-
 cere, da llo cuorio esce la currea. No nserve pe
 pe dda cunto a lle mmale lengue ma muglierema
 se le ffa chiovare le riale, sulo chi no lla cunosce
 no lla po vulè bbene.

Pecchè na femmena - Pe bberetà
 Comme a muglierema - No nce po stà

Lo Cumpà Mineche - Che la vo bbene,
 Tutte le sfizie - Le fa passà...
 Mperò muglierema - Quann'isso vene
 Vo che le scioscele - Vac'a ccattà,
 Elo servizio - Io vaco a ffare,
 Pe ll'amicizia - De llo Cumpare

(Prosa) Quanto vò no cumpare pe n'ommo nzorato.
 Te fa sparagnà no tierzo de lle spese... E ffosse lo
 Cumpà Mineco ommo de core, e scialacquone !
 Ma muglierema pò non è nerata... essa no nse lo tte-
 ne... è sape no nfa scumpare lo marito... Io quan-
 no se tratta de ceremmonie, membroglio eumm'a
 lo pullicino dinto, alla stoppa, ma chella femmena
 nce tene n'arta ch'è no piacere, ed è accossì azzor-
 cosa cu llo Cumpare, che lo fa restà ncantate, com-
 me n'allucuto.

Pecchè na femmena - Pe bberetà
 Comm'a muglierema - No nce po stà

5.

Lo matremmonio - Va no tresoro
 Quanno na femmena - Se potrovà
 Cumm'a mmuglierema - Ch'a ppiso d'oro
 Sulo le vruocole - S'anna pava
 Mo pe llo dicere - Comme lo ssento
 Songo nfra ll'uommene - Lo cchiù cuntento

(Prosa) Nzurateve, nzurateve, pecchè la muglierema
 ve fa campà cient'anne... Quanno n'ommo se retira
 alla casa co llo sangue a ll'uocchie, truva chi lo com-
 piatesce, chi lle leva llo cappiello, chi le scotolea la
 povera, chi lle fa quatte squasille, e lle spassa la fin-
 tasia... isso se ne sente scennere doce doce e non
 pensa cchiù a lle guaje... Quanno io stongo arrag-
 giato subbeto muglierema me fa lo remmedio...
 m'apparecchia lo letto, io me cocco, e essa me
 canta la nonna.

Addo na femmena - Pe bberetà
 Comm'a muglierema - No nce po stà